



Universitätsbibliothek Paderborn

**R. P. D. Henr. Harphii Theologi Eruditiss. Ordinis
Minorvm, Ac Rervm Divinarvm Contemplatoris eximij.
Theologiæ Mysticæ Libri Tres**

Henricus <Herpius>

Coloniæ, 1611

Quàm eminentiſsimè & fideliſsimè sponsus intendere dignatus est sponsa,
tam in beneficijs creatiionis, quàm recreationis. Cap. XCVII.

urn:nbn:de:hbz:466:1-37362

Rom. 14.

dium in Spiritu sancto; de quo regno postea latius videbitur. Est, inquit, anima sancta templum Dei, & habitatio Altissimi. *Templum*, inquit Apost. *Dei sanctum est, quod estis vos.* Et elegit eam in habitationem suam, dicens: *Hec requies mea in seculum seculi, hic habitabo, quoniam elegi eam.* Est insuper filia Dei, eodem dicente: *Audi filia, & vide, & inclina aurem tuam, & oblinisci populum tuum, & domum patris tui, & concupiscere rex decorum tuum.* Et Iohannes in Canonica sua: *Videte quam charitatem dedit nobis Deus, ut filii Dei nominemur, & simus.* Est deinde sponsa Dei, quia ut sibi in sponsam assumeret, & ad dilectionem reciprocam incitaret, naturam humanaam assumpsit, ut seipsum exinaniendo, sponsam suam exaltando nobilitaret. Vnde dicit Bernard. Si non fecit ille, quod sponsus, si non tanquam sponsus amauit, si non zelatus est tanquam sponsus, noli acquiescere te sponsam arbitrari, & anima sancta.

Quam eminentissime & fidelissime sponsus intendere dignatus est sponsae, tam in beneficijs creationis, quam recreationis.

Cap. XCVII.

Hebcl. 2.

Dilectus meus mibi (scilicet intendit) & ego illi. Videamus nunc quomodo sponsus, cui cura seculorum incumbit, sponsae sue singulariter intenderit, tam in beneficijs creationis, quam recreationis, ut non immerito se dilectam sponsam eius esse confidat, & glorietur, dicens: *Dilectus meus mibi intendit, quia benignus, & misericors est. & ego illi, quia non sum ingratia.* Ille mihi gratiam ex gratia, & ego illi gratiam pro gratia. Ille mea liberationi, ego illius honori. Ille mea saluti, ego illius voluntati. Ille mihi amorem verum, tam in beneficijs creationis, quam recreationis, & ego illi fidelitatis affectionem.

Beneficium
creationis.Anima qd
hi.

Vnde quantum ad beneficium creationis, anima primo facta est ad imaginem Dei. Dicit enim Augustinus, lib. de diffinitione animæ, quod anima est substantia creata inuisibilis, immortalis, Deo simillima, nullam habens imaginem nisi Creatoris sui. Vel, anima est vita perpetua, per memoriam, intelligentiam, & voluntatem ad imaginem Dei facta; capax virtutis, & gracie, vel virtutis susceptiva propria, vel præmij arbitrij libera; potentias, habitibus, & affectionibus decorata; carens figura, pondere, & colore; passibilis, & mutabilis, eadem magna, quod capax aeternitatis; eadem recta, quod est appetens bonitatem; eadem beata, quod particeps est diuinitatis, gerens in se naturalem imaginem, secun-

secundum quod homo naturalem habet aptitudinem ad Deum intel-
ligendum & amandum. Et hæc est imago creationis, quæ reperitur
in omnibus hominibus, vt dicit Glossa super illud: *Signatum est super
nos lumen vultus tui Domine*. Secundum hanc enim anima immediate,
& ex nihilo à solo Deo creata, capax est ipsius Dei. Et ideo quicquid
Deo minus est, animam implere non potest. Sicut enim anima vege-
tabilis appetit esse, & sensibili appetit bene esse; sic anima rationalis
appetit optimè esse, nec unquam quietescit, donec optimo coniungatur.
Quapropter vi amoris in Deum, tanquam in centrū proprium, moue-
tur, vt in ipso summè delectetur, & quietetur. Deus enim est eius pa-
tria, & habitatio, ac fontalis origo, quia creata à Deo, vita à vita, sim-
plex, immortalis, vt nō longè lit à Creatore suo, cui appropriare vide-
tur simplicitate essentiae, ac perpetuitate vitæ. Crea est enim anima
magna à magno, recta à recto, bona à bono: eò magna, quod capax est
æternorum: eò recta, quod appetens est superiorum; eò bona, quod Deo
vnita: vt sic feliciter redeat unde profluxit. O anima mea, unde sum-
pliciter exordium profluxus tuus? Nōne ex illa abysso diuinitatis? velut
essentia de essentia, vita de vita, intelligentia de intelligentia, lumen de
lumine: sed creatureliter, non essentialiter, non dea de Deo, sed deifi-
ficanda à Deo. Cuius tanta est connexio, quod nunquam est abolen-
da, nunquam in æternum separada. Sicut enim sol in sua rota lux qua-
dam est essentialis, vbiq; radios suos dispersens sine sui diminutione:
qui licet radis essentiam suæ claritatis non communicat, eternam tam-
amen contiguationem præstat, qua radios suos in esse conseruat: ita quod
eodem momento, quo contigatio illa dissipatur, etiam esse ipsius ra-
dij euacuatur. Sicanima profluxa ab ipsa diminutionis abysso, quandā
retinet eternam contiguationem, unde cum origine sua conseruat
& alitur, quam super omnia cōpletæ concupiscit ac perfrui. Præterea
sciendum, quod rationalis anima, quantum ad essentiam suam, est *Imago Dei*:
imago diuinæ essentiae. Et hæc imago est secundum indistinctionem, in anima, &
eius imaginis reformatuæ est ipsa gratia diuina, quæ reducit ipsam similitus
imaginem etiam ad diuinam similitudinem. Sed anima, quæ tantum ad
suas potentias, est imago ipsius Trinitatis. Et hæc est imago secundum
distinctionem, cuius imaginis reformatuæ est ipsa virtus, quæ reducit
ipsam imaginem ad diuinam similitudinem. Nam sicut Deus unus
est in essentia, trinus in personis: sic anima est vniuersitatem, tres habet
vires, scilicet intellectum, voluntatem, & memoriam. Et sicut ex Pa-

Animæ no-
bilitas.

tre generatur Filius, & ex utroque procedit Spiritus sanctus: sic ex intellectu generatur voluntas, & ex utroque procedit memoria. Et sicut est Deus Pater, Deus Filius, Deus Spiritus sanctus, non tamen tres dij sunt, sed unus Deus, & tres personae: sic anima intellectus, anima voluntas, anima memoria, non tamen tres animae, sed una anima, & tres vires, quibus imaginem diuinam in sua natura gerit mirabiliter. Et his iubemur diligere Creatorem, ut quantum diligimur, diligatur, & in memoria semper habeatur.

Anima crea-
ta ad Dei
similitu-
dinem.

Gratia in-
creata.

Gratia crea-
ta.

Cant. 4.
Vita animae
duplex.
Sensus ho-

Secundum facta est anima ad Dei similitudinem, quae similitudo consistit in gratuitis, scilicet in diuina gratia nobis collata, & virtutibus, maxime in charitate: quia gratia perficit naturam. Pro quo notandum, quod est gratia increata, scilicet spiritus sanctus, qui se tribuit iis, qui sunt sine peccato mortali. Et dicitur gratia, secundum quod dicitur donum: & dicitur donum, secundum quod dicitur amor: quia secundum suam proprietatem est amor, & ut amor procedit a Patre & Filio. Cum ergo Spiritus sanctus est amor, immo prima virtus amoris, hinc est, quod cum nobis Spiritus sanctus datur, in diuinam speciem nos transformat, ut sit anima Deo assimilata. Porro ex illa parte debemus intelligere gratiam, creatam, quasi similitudinem, & dispositionem ex parte animae rationalis, ex qua habet, quod sit accepta Deo, & assimilata. Nam ibi est forma transformans: & haec est gratia increata. Et ibi est forma transformata, quae derelinquit in transformato, scilicet in anima ex ipsa transformatione. Et haec est gratia creata, quae etiam est necessaria, & ex parte animae recipientis, quae non potest habere per immediationem ad gratiam incretam, nisi prius disponatur, ut latius patet superius. Denique ratio, cur ad diuinam similitudinem imprimenda anima sancta, maxime requiritur diuina gratia, & virtus gratuita charitate formata, est ista: Quia, secundum Linconensem, huc cera mollis fortiter applicata ligillo, recipit imitoriam similitudinem omnium formarum, & figurarum sigillo insculptarum: sic in anima per amoris copulam a summa pulchritudine impressa, non erit alicuius pulchritudinis absentia, sed in illa resplendet imitorie pulchritudo, quae super ipsam est impressa, ut ei veraciter sponsus dicere valeat: Tota pulchra es amica mea. Quantum etiam ad beneficium recreationis, primo pro nobis humanam naturam assumpsit: quia duplex est anima nostrae vita. Una, qua vivit in carne: alia, qua vivit in Deo. Duo quoque sunt in homine sensus: & ideo Deus homo factus est, ut utrumque sensus bonum

bonum suum haberet, in quo reficeretur. Vrns interior, qui reficitur in contemplatione diuinitatis; alius exterior, qui reficitur in contemplatione humanitatis, vt sic totum hominem in se beatificaret, & tota cōuersatio hominis ad ipsum esset, & tota dilectio eius in ipso esset, cum à sensu carnis videretur per carnē, & à sensu mentis videretur per diuinitatis contemplationem. Hoc enim erat totum bonum hominis, vt siue ingrederetur, siue egrederetur in factore suo *pascua inneniret*. ^{Ioan.10.}

Considera nunc, o homo, quanta fuerit erga te dilectio Dei tui, quod vellet Deum hominem, & hominem quodammodo Deum fieri, & sic te post lapsum querere, & post offensam te plus, quam prius exaltare. Nunquid exaltationem culpa tua promeruit? Certè non. Sed ne amplius ab eo fugeremus, nostram naturam inseparabiliter sibi vniire voluit. Hinc merito dicit Chrysostomus: quod nemo amatorum carnalium, etiam si sit in hoc ultra modum insanius, sic exardescere potest in amorem dilectionis sue, sicut Deus effunditur in amore animarū nostrarū.

Secundò verò in assumpta natura pro nobis redimēdis, abluendis, adornandis, instruendis, allisciendis, ad imitationem instigandis, mira ^{Ieere.12.} gessit, & sustinuit, sicut locutus est per Hieremiam: *Reliqui, inquietus, domum meam, dimisi hereditatem meam: dedi dilectionem animam meam in manum inimicorum eius.* O insuperabilis amor charitatis, qui insuperabilem superasti, & cui omnia subiecta sunt, omnibus quodammodo subiecisti, dum victus amore Deus, seipsum exinanis, formam servi accipiens, non modò inuentus ut homo, sed ut *opprobrium hominum, & ab iectio plebis.* *Vidimus, inquit, eum tanquam leprosum, & non sumum visi.* *Isaiæ 53.* rorū, virum dolorum, & percussum a Deo, & humiliatum. O nonsum, & altissimum; o humilem, & sublimem, & *opprobrium hominum, & gloriam Angelorum.* Nihilne merebitur tanta vilitas, imò & tantacharitas, qua habet hunc modum, imò quæ excedit omnem modum?

Propter nimiam enim charitatem, qua dilexit nos Deus, ut seruum redi- ^{Ephes.2.} meret, nec Pater Filio, nec sibi Filius ipse pepercit. Verè nimiam, quia misuram excedit, modum superat, & supereminet vniuersis. Vix pro iu- ^{1.Pet.4.} sto quis moritur. Iste moriturex amore pro inimicis, & iniustis, ab iniustis, & cum iniustis, vt inimicos faceret intimos, seruos fratres, captivos cohæredes, exules reges, diaboli prostitutas proprias dignissimas sponsas. Propterea nang; tam diu exulauit, tam fideliter in labore defudauit, tam valenter hostē debellauit, tam potenter sponsam eripuit, & in bello tandem occubuit, ea redimēs per suppliciū, quo nullū iniustus

Ggg. 4.

per op.

per opprobrium, quo nullum vilius; per premium, quo nullum pretiosius; per mysterium, quo nullum profundius; & per exemplum, quo nullum perfectius.

*Sponsus dat & petit totum cor sponsae, & qualis esse debet anima,
ut dicatur meritò Dei sponsa. Cap. X CVII.*

Osee 2.

Sponsus
vnde.

Sponsalia.

Cor Deo
offerendū.
Prover. 23.

Psal. 72.

Ioan. 12.

Matrimo-
niū anima-
cum Deo
Coloss. 3.

Dilectus meus mibi, & ego illi. *Dilectus meus mibi spiritus italis despōtationis fidem indulget, dicens per Osee: Sponsabo te mibi in fide, sponsabo te mibi in iustitia & iudicio, in misericordia & miserationibus sponsabo te mibi in eternum, & ego illi grataanter consentio.* Pro quo notandum, quod hæc nomina sponsus & sponsa, dicuntur a spendere, quia mittebant olim sibi mutuo cautiones, quibus spondebant in iuria matrimonij se consentire, & fideiussores dabant, quibus id se seruatores obligabantur, ut patet ff. de sponsa. l. 2. Et quædam sunt sponsalia de futuro, quædam de præsenti: & in utrisque sponsalibus requiritur consensus voluntatis, & animorum. Vnde dicitur 27. quest. 2. cap. Sufficiat solus secundum leges consensus eorum, de quorum quarumque coniunctionibus agitur: qui solus si defuerit, cetera etiam cum ipso coitu ritè celebrata frustrantur. Matrimonium enim non facit coitus, sed voluntas. Hæc ibi. Hinc sponsus Christus cor sponsæ suæ petit in matrimonio spirituali, dicens: *Fili, prebe cor tuum mibi.* Nullique fructuosius, iucundius, & honorabilius sponsa cor suum præbere potest. Tali nanci sponso cor dare conuenit, qui solus cordi sufficere potest, ut sponsa cum Psalmista dicat: *Deus cordis mei, & pars mea Deus in eternum.* In solo nanci Deo cordis est sufficientia. In omnibus alijs cordis egitas. Cum igitur, ò anima, sponsus tuus de te totum suum fecit, dices: *Cum exaltatus fuero a terra, omnia, id est, totum cor humanum, traham ad meipsum,* scilicet per dilectionem, in quo totum suum habere testatur, ut verâ vice de ipso totum tuum facias, ipsum laboris tui finem contineendo, pro eius amore cuncta bona perficiendo, & mala patiēter perferendo: alioqui qua fronte de ipso totum suum facere denegabis, qui de te totum suum tam dignanter effecit? Et hoc sit per verum amorem, per quem cordis dominium transfertur in amatum. Amor enim non sinit suos esse amantes, sed amatorum. Hinc illi, quem diligimus, vulgariter cor nostrum dedisse dicimur. Et solus amor Dei, qui est coniunctio conuenientis cum conuenienti, facit matrimonii spirituale. Charita enim, quæ secundum Apostolum, *perfectionis est vinculum,* in Deum perf-